



## FURMAZIUN PROFESSIONALA DA BASA

La formazion professionala da basa suonda al temp da scola obligatoric e dura tut tenor diplom dus fin quatter onns. Ella sa cumpona da la formazion professionala en ils manaschis d'emprendissadi e la formazion da scola en la scola professional. Questa divisiun da la formazion pratica en ils manaschis d'emprendissadi e da la formazion teoretica en las scolas professionalas vegn numnada sistem dual. Plinavant vegnan abilitads generalas instruidas en il curs ordaifer ils manaschis. Tgi che ha absolvì cun success ina formazion professionala da basa, è qualifità per pratigar la professiun emprendida e per frequentar numerusas pussaivladads da formazion supplementara.

### Diploms

I dat duas sorts da diplom che pon vegnir acquistads suenter cun ina formazion professionala da basa:

#### Attest federal professional AFP (formazion da basa da 2 onns)

La formazion professionala da basa da dus onns maina giuvenils pli flaivels en fatgs da scola ma talentads en la pratica ad in attest federal professional (AFP) cun agen profil da professiun. Cun in AFP èsi pussaivel da ver access ad ina formazion professionala da basa da 3 u 4 onns cun attestat federal da qualificaziun (AFQ).

#### Attestat federal da qualificaziun AFQ (formazion da basa da 3 u 4 onns)

Durant la formazion professionala da basa da 3 u 4 onns acquistan ils giuvenils las qualificaziun che rendan abels els da pratigar la professiun correspontenta. Questa formazion maina ad in attestat federal da qualificaziun (AFQ) e possibilitescha l'access ad ina formazion professionala superiura.

### Maturitat professionala durant l'emprendissadi (BM 1)

Tar fitg bunas prestaziuns da scola po vegnir frequentada la scola da maturitat professionala durant la formazion da basa da 3 u 4 onns. Ella amplifitgescha l'emprendissadi tras ina formazion generala extendida e possibilitescha l'access ad in studi parentà a la professiun ad ina scola auta professionala suenter l'emprendissadi. Vegn la passarella absolvida suenter la maturitat professionala s'avra la pussaivladad da studegiar ad in'universitat.

Infurmaziuns ulteriuras chattas ti sin il fegl d'infurmaziun «Maturitat professionala durant l'emprendissadi MP1» sin [www.berufsbildung.gr.ch](http://www.berufsbildung.gr.ch) → Rumantsch → Documentaziun → Cussegliaziun da clamada, studis e carriera → «profilo» → 2. s'orientar.

### ► Infurmaziuns ulteriuras tar la formazion professionala da basa

ed agid porscha il Center d'infurmaziun professionala CIP, la pagina [www.berufsberatung.ch](http://www.berufsberatung.ch) u nossa CIP app.

L'addressa dal CIP en tia vischinanza chattas ti sut: [www.berufsbildung.gr.ch](http://www.berufsbildung.gr.ch) → Rumantsch → Sur da nus → Lieu ed addressa → Cussegliaziun da professiun, da studi e da carriera.

E-mail: [biz@afb.gr.ch](mailto:biz@afb.gr.ch)